




ԵԿԵՂԵՑԱԿԱՆ ԲԵՄ. ԼՈՒՐԵՐ

Հոկտեմբերի 1-ին, չորեքշաբթի.—Այսօր, ժամը 20.30-ին, հոգևոր ձեռնարանի հանդիսությունների դահլիճում Գրիգոր Նարեկացու «Մատյան ողբերգության» աղոթագրքի մասին դասախոսությամբ հանդես եկավ ֆրանսիացի հայտնի հայագետ Ժան-Պիեռ Մահեն:

Դասախոսությանը ներկա էին Վեհափառ Հայրապետը, ինչպես նաև Կ. Պոլսի հայոց Ամենապատիվ Պատրիարք Տ. Շնորհք արքեպ. Գալուստյանը, Մայր Աթոռի միաբանները, Արարատյան թեմի հոգևորականաց դասը, ձեռնարանի ուսանողությունը և հայրենի մտավորականներ:

Հանդիպմանը բացման խոսք ասաց Վեհափառ Հայրապետը՝ նշելով ֆրանսիացի հայագետի գրական-բանասիրական բեղուն գործունեությունը, նրա առ հայս տաճած ջերմ պցացումներն ու այն լայնատարած հարգանքը, որ հայ ժողովուրդը ունի դեպի իր հոգևոր արժեքների անձանձրույթ ուսումնասիրողը:

Ապա «Մատյանի» խորիմաստ մեկնաբանությամբ ելույթ ունեցավ Ժան-Պիեռ Մահեն: Նա դահլիճին ներկայացրեց Գ. Նարեկացու աղոթագրքի իր ընկալումներն ու դատողությունները, որոնք մեծ հետաքրքր

քությամբ ունկնդրվեցին ներկաների կողմից:

Դասախոսության ավարտին հարգելի բանախոսը պատասխանեց թեմային առնչվող մի քանի հարցերի:

* *

Հոկտեմբերի 3-ին, ուրբաթ.—Այսօր, առավոտյան, Կ. Պոլսի Ամենապատիվ Պատրիարք Տ. Շնորհք արքեպ. Գալուստյանը, հրաժեշտ տալով Վեհափառ Հայրապետին ու Մայր Աթոռի միաբաններին, մեկնեց իր պաշտոնատեղին՝ Կ. Պոլիս:

* *

Հոկտեմբերի 5-ին, կիրակի.—Այսօր Մայր տաճարում, Ավագ ս. սեղանի վրա, ս. պատարագ մատուցեց Մայր Աթոռի դիվանապետ Տ. Ներսես արքեպ. Պոպապոլյանը:

«Հայր մեր»-ից առաջ Մայր տաճարի լուսարարապետ Տ. Հուսիկ արքեպ. Սանթրոյանը Ավագ խորանից ընթերցեց Վեհափառ Հայրապետի կոնդակը՝ պատարագից սրբապանին արքության պատիվ ջնորհելու մա-



Մայր Աթոռի սարկավազաց դասը
(11 դեկտեմբերի 1986 թ.)

սին: Որից հետո իմաստալից քարոզ խոսեց գերաշնորհ Ս. Ներսես արքեպ. Պոպուկալյանը (տես էջ 41):

Ս. պատարագին ներկա էր Վեհափառ Հայրապետը:

* *

Հոկտեմբերի 11-ին, շաբաթ.—Արքեպ. Թարգմանչաց վարդապետացն մերոց՝ Մեսրոպբայ, Եղիշէի, Մովսիսի Քերթովին, Դավթի Անյաղթ փիլիսոփային, Գրիգորի Նարեկացուն և Ներսիսի Կլայեցուն:

Այսօր Օջակակի Ս. Մեսրոպ Մաշտոց եկեղեցում ս. պատարագ մատուցեց վանքի վանահայր Ս. Մովսիս վրդ. Սարգսյանը և «Հայր մեր»-ից առաջ հավուր պատշաճի քարոզ խոսեց:

Ս. պատարագին ներկա էին Մայր Աթոռի միաբանները, ինչպես նաև բազմաթիվ ուխտավորներ:

* *

Հոկտեմբերի 12-ին, կիրակի.—Այսօր Մայր տաճարում, Ավագ ս. սեղանի վրա, ս. պատարագ մատուցեց ուխտավորաբար Մայր Աթոռում գտնվող Դամասկոսի հայոց թեմի առաջնորդ և Հունաստանի հայոց հայրապետական պատվիրակ Ս. Ոսկան եպս. Գալփաքյանը:

«Հայր մեր»-ից առաջ քարոզ խոսեց պատարագից սրբազանը (տես էջ 44):

Ս. պատարագին ներկա էր Վեհափառ Հայրապետը:

* *

Հոկտեմբերի 15-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի ունեցավ միաբանական հերթական հավաքույթ:

* *

Հոկտեմբերի 19-ին, կիրակի.—Այսօր Մայր տաճարում, Ավագ ս. սեղանի վրա, ս. պատարագ մատուցեց Ս. Կոմիտաս արքեպ. Հովնանյանը:

Հավարտ ս. պատարագի քարոզ խոսեց Մայր տաճարի լուսարարապետ Ս. Հուսիկ արքեպ. Սանթրուկյանը (տես էջ 39):

Այնուհետև կատարվեցին «Նաղաղական» հոգեպարար աղոթքներ՝ աշխարհի խաղաղության համար:

Ս. պատարագին ներկա էր Վեհափառ Հայրապետը:

* *

Հոկտեմբերի 26-ին, կիրակի.—Գիտ Խաչի:

Այսօր Մայր տաճարում, Ավագ ս. սեղանի վրա, ս. պատարագ մատուցեց Ս. Ջավեն արքեպ. Խաչատրյանը:

«Հայր մեր»-ից առաջ Մայր տաճարի լուսարարապետ Ս. Հուսիկ արքեպ. Սանթրուկյանը ընթերցեց Վեհափառ Հայրապետի կոնդակը՝ ուղղված Կիպրոսի Մեղրնյան կլորական հաստատությւնը:

Ս. պատարագին իրենց մասնակցությունը բերեցին Մեղրնյան կրթօջախի քառաձայն երգչախումբը՝ խմբավարությամբ տիար Սեպուհ Աբգարյանի:

Ս. պատարագին ներկա էր Վեհափառ Հայրապետը: Ներկա էր նաև Մեղրնյան վարժարանի տնօրենուհի Ագապի Նապիրյանը:

* *

Հոկտեմբերի 29-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի ունեցավ միաբանական հերթական հավաքույթ:

Հավաքույթի ժամանակ Վեհափառ Հայրապետը Ս. Կոմիտաս արքեպ. Հովնանյանին հայտարարեց Մայր տաճարի փոխլուսարարապետ:

* *

Նոյեմբերի 2-ին, կիրակի.—Այսօր Մայր տաճարում, Ավագ ս. սեղանի վրա, ս. պատարագ մատուցեց Ս. Պարզև արքեպ. Մարտիրոսյանը և «Հայր մեր»-ից առաջ քարոզ խոսեց՝ «Վասն խաղաղության ամենայն աշխարհի և հաստատության սրբոյ եկեղեցւոյ, զտէր աղաչեցուրք» (Ժամագիրք) բնաբանով:

* *

Նոյեմբերի 5-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի ունեցավ միաբանական հերթական հավաքույթ:

* *

Նոյեմբերի 8-ին, շաբաթ.—Այսօր, ժամը 19.20-ին, հոգևոր ճեմարանի հանդիսությունների դահլիճում «Սինդեմոս» կապմակերպության փոխնախագահ Ս. Պ. Ռասկալովսկին և Գործադիր կոմիտեի անդամ

հայր Վենեդիկտոսը հանդիպում ունեցան ձեռնարանի ուսանողության հետ:

Հուրերը պատմեցին «Սինդեսմոս» կապակերպության գործունեության մասին:

Հանդիպումն անցավ ջերմ մթնոլորտում:

• •

Նոյեմբերի 9-ին, կիրակի.—Այսօր Մայր տաճարում, Ավագ ս. սեղանի վրա, ս. պատարագ մատուցեց Մայր տաճարի լուսարարապետ Տ. Հուսիկ արքեպ. Սանթրույանը:

«Հայր մեր»-ից առաջ Տ. Կոմիտաս արքեպ. Հովնանյանը ընթերցեց Վեհափառ Հայրապետի օրհնության կոնդակը՝ պատարագից սրբապանի 30-ամյա քահանայական գործունեության առիթով (տես էջ 8):

Ապա Տ. Հուսիկ արքեպ. Սանթրույանը երախտագիտության խոսք ասաց Վեհափառ Հայրապետին:

• •

Նոյեմբերի 12-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի ունեցավ միաբանական հերթական հավաքույթ:

• •

Նոյեմբերի 16-ին, կիրակի.—Այսօր Մայր տաճարում, Ավագ ս. սեղանի վրա, ս. պատարագ մատուցեց Տ. Մաշտոց արքեպ. Խաչիկյանը և «Հայր մեր»-ից առաջ քարոզ խոսեց՝ «Ճանապարհք բարեպաշտաց ուղիղք են՝ դիւրեալք և պատրաստեալք են ճանապարհք Աստուածապաշտից» (Եսայի ԻԵ 17) բնաբանով:

• •

Նոյեմբերի 23-ին, կիրակի.—Այսօր Մայր տաճարում, Ավագ ս. սեղանի վրա, ս. պատարագ մատուցեց Շիրակի թեմի առաջնորդ գերաշնորհ Տ. Նարեկ եպս. Շաքարյանը: «Հայր մեր»-ից առաջ Ավագ խորանից քարոզ խոսեց Վեհափառ Հայրապետը (տես էջ 5):

«Կոմիտասյան պատարագի» բարձրարվեստ կատարմամբ հանդես եկավ Լենինականի Ս. Աստվածածնի Յոթ վերք եկեղեցու երգչախումբը (ղեկավար՝ Արամ Պապյան):

• •

Նոյեմբերի 26-ին, չորեքշաբթի.—Այսօր Վեհարանում, Վեհափառ Հայրապետի նախա-

գահությամբ, տեղի ունեցավ միաբանական հերթական հավաքույթ:

• •

Նոյեմբերի 29-ին, շաբաթ.—Տօն Սրբոց Առաքելոցն և առաջին լուսաւորչացն մերոց Թաղեսի և Բարդուղիմէոսի:

Այսօր Մայր տաճարում, Ավագ ս. սեղանի վրա, օրվա մեծ տոնի առթիւ, ս. պատարագ մատուցեց Տ. Միքայել քն. Կյուրեղյանը:

• •

Նոյեմբերի 30-ին, կիրակի.—Այսօր Մայր տաճարում, Ավագ ս. սեղանի վրա, ս. պատարագ մատուցեց Տ. Չավեն արքեպ. Խաչատրյանը և պատարագի վերջում հավուր պատշաճի քարոզ խոսեց՝ «Ահաւասիկ ես ամից ի վերայ ձեր շունչ կենդանի. եւ տաց ի ձեզ ջիղս, եւ ամից ի վերայ ձեր մարմինս, եւ ձգեցից ի վերայ ձեր մօրթ, եւ տաց Կոզի իմ ի ձեզ, եւ լինիջիք կենդանի, եւ ծանիջիք թէ ես եմ Տէր» (Եզեկ. ԼԷ 5—6) բնաբանով՝ անդրադառնալով հայ ժողովրդի պատմական անցյալին, օտար իշխանությունների՝ Հայաստանը նվաճելու անընդհատական նկրտումներին, հայության հերոսական մաքառումներին, քաներորդ դարակպում հայ ժողովրդի սայրած մեծագույն ողբերգության, ապա և Նոյեմբեր 29-ով ժառանգած Խորհրդային Հայաստանի պայծառ ներկային:

Ս. պատարագի ավարտին սովետական կարգերի հաստատման 66-րդ տարեդարձի առթիւ կատարվեց Կառավարական մողթանք:

Ս. պատարագին ներկա էր Վեհափառ Հայրապետը:


• •

Դեկտեմբերի 3-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի ունեցավ միաբանական հերթական հավաքույթ:

• •

Դեկտեմբերի 7-ին, կիրակի.—Բարեկենդան Ս. Յակովբայ պահոց:

Այսօր Մայր տաճարում, Ավագ ս. սեղանի վրա, ս. պատարագ մատուցեց Տ. Նարեկ քն. Մատարյանը և «Հայր մեր»-ից առաջ քարոզ խոսեց՝ «Եւ որ որ գայթակրեցուցէ քմի ի փոքրկանցս յայցանէ լիս հաւատացեցոց՝ լաւ է նմա եթէ կախիցի երկան իշոյ



Վեհափառ Հայրապետը՝ շրջապատված Մայր Հայրենիքի սիրներական ճախբարներում
հանգստացող սիրուրբախայ երեխաներով

ընդ պարանոց նորա, եւ ընկղմիցի ի խորս ծովու» (Մատթ. ԺԸ 6) բնաբանով:

*
*
*

Դեկտեմբերի 10-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի ունեցավ միաբանական հերթական հավաքույթ:

*
*
*

Դեկտեմբերի 14-ին, կիրակի.—Այսօր Մայր տաճարում, Ավագ ս. սեղանի վրա, ս. պատարագ մատուցեց Ս. Պսակ արքեպարապետյանը և «Հայր մեր»-ից առաջ քարոզ խոսեց՝ «Փութացիր անձն իմ, փախչիլ ի չարեաց. փափաքիլ բարեաց: Քեզ միշտ մերձ ծանիր. քուն մահու եկեալ. քննող դատաւոր» (Ժամագիրք) բնաբանով:

*
*
*

Դեկտեմբերի 17-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի ունեցավ միաբանական հերթական հավաքույթ:

*
*
*

Դեկտեմբերի 21-ին, կիրակի.—Այսօր Մայր տաճարում, Ավագ ս. սեղանի վրա, ս. պատարագ մատուցեց Ս. Կոմիտաս արքեպարապետյանը և «Հայր մեր»-ից առաջ հավուր պատշաճի քարոզ խոսեց՝ անդրադառ-

նալով Քրիստոսի հրաշագործությանը և քարոզչությանը:

Ս. պատարագին ներկա էր Վեհափառ Հայրապետը:

*
*
*

Դեկտեմբերի 24-ին, չորեքշաբթի.—Այսօր, երեկոյան, հոգևոր ճեմարանի հանդիսությունների դահլիճում, Վեհափառ Հայրապետի հովանավորությամբ, տեղի ունեցավ գրական երեկո, որին ներկա էին Մայր Աթոռի միաբանությունը, հոգևոր ճեմարանի դասախոսական կազմը և ուսանողությունը: Երեկոյին հայ միջնադարյան և ժամանակակից բանաստեղծների ստեղծագործությունների արտասանությամբ հանդես եկավ Երեմիանի դրամատիկական թատրոնի դերասան և ասմունքող Ամիրատ Գալուստյանը: Ընդհալի ասմունքողի յուրաքանչյուր կատարում ընդունվում էր բուռն ծափահարություններով:

*
*
*

Դեկտեմբերի 28-ին, կիրակի.—Այսօր Մայր տաճարում, Ավագ ս. սեղանի վրա, ս. պատարագ մատուցեց Ս. Միքայել քին. Կուրբեղյանը և «Հայր մեր»-ից առաջ քարոզ խոսեց՝ «Ամենայնի որ ունիցի՝ տացի. եւ յայնմանէ որ ոչն ունիցի, եւ զոր ունիցին՝ բարձցի ի նմանէ» (Ղուկ. ԺԹ 26) բնաբանով:

Ս. պատարագին ներկա էր Վեհափառ Հայրապետը:

